

Zijad Jagodić

1. Inicijativa upućena Federalnom ministarstvu komunikacija i prometa – „Aerodromi u Tuzli i Mostaru već izvjesno vrijeme posluju u izuzetno teškim i nepodnošljivim uslovima te im, ako se ovaj problem ne bude uskoro riješio na primjereniji način, prijeti zatvaranje. Kako kantonalne vlasti očito nisu u mogućnosti same organizirati i finansirati njihovu održivost, što uključuje i kvalitetniji razvoj zračnog saobraćaja a i zaštitu izuzetno skupe opreme, nadležnom ministarstvu predlažem da hitno nađe adekvatno finansijsko i organizaciono rješenje, te da ih stavi pod jedan nadzor.“
2. Pitanje postavljeno Uredu za veterinarstvo BiH, Upravi BiH za zaštitu zdravlja bilja i Agenciji za sigurnost hrane BiH – „S obzirom da je Vijeće ministara BiH u 2010. godini usvojilo Mapu puta za ostvarivanje uslova za izvoz proizvoda životinjskog i biljnog porijekla, a u kojoj su navedeni konkretni rokovi i izvršioci, postavljam pitanje: Šta su izvršne institucije, odnosno Ured za veterinarstvo, Uprava za zaštitu bilja i Agencija za sigurnost hrane do sada učinili da bi se stvorili uslovi da se nivo standarda u BiH postigne i primijeni kako bi se poljoprivredni proizvodi mogli normalno izvoziti u zemlje EU, počevši od Republike Hrvatske i Srbije dalje?“
3. Pitanje postavljeno Ministarstvu civilnih poslova BiH – „Budući da je značajan broj univerzitetski obrazovanih građana BiH, koji su stručna zvanja stekli van BiH i podnijeli zahtjev za nostrifikaciju stečenih diploma, ali da se taj proces izuzetno sporo odvija, postavljam pitanje - Šta je u pitanju i radi čega se taj proces ne odvija u razumnim rokovima i po prihvatljivim cijenama?“
4. Pitanje postavljeno Ministarstvu vanjske trgovine i ekonomskih odnosa BiH – „Prema ocjenama ispunjenosti prioriteta BiH za evropsko partnerstvo u kojem je predviđeno usvajanje Zakona o veterinarskim lijekovima, Izmjena i dopuna Zakona o veterinarstvu, Zakona o stočnoj hrani, Zakona o animalnom otpadu, pri čemu nijedan od navedenih nije donesen, a da je za njihovu pripremu zadužen Ured za veterinarstvo BiH i Ministarstvo vanjske trgovine i ekonomskih odnosa BiH, postavljam pitanje: Šta je u toj oblasti učinjeno i kada će ovi zakoni biti dostavljeni na usvajanje Parlamentarnoj skupštini BiH?“